

	KOMMUNALE VEDTEKTER FOR SKULEFRITIDSORDNINGA (SFO) I ÅL KOMMUNE Vedteken av kommunestyret 16.10.03 (K-sak 84/03) Endra i sektorutval for oppvekst 24.06.08 (sak 14/08)
§ 1 FORMÅL	<p>SFO er eit frivillig tilbod til elevar før og etter skuletid i 1.-4. trinn, og for elevar med særskilde behov i 1.-7. trinn.</p> <p>SFO skal leggje til rette for leik, kultur- og fritidsaktivitetar og lekser med utgangspunkt i barna sin alder, funksjonsnivå og interesser. Ordninga skal gje barna omsorg og tilsyn. Funksjonshemma barn skal gjevast gode utviklingsmoglegheiter. Areal, både ute og inne, skal være egna for føremålet.</p> <p>Med ei slik forståing lagt til grunn, er det rom for eit mangfald av ulike ordningar med store variasjonar i innhald, struktur og organisering. Den einskilde lokale ordning må likevel halde seg innafør rammevilkåra i dei kommunale vedtektene.</p> <p>Kommunen vil så langt råd er, ha tilbod om SFO ved den einskilde skule. Eit godt utbygd SFO-tilbod vil styrke det totale oppvektsmiljøet i kommunen.</p>
§ 2 STYRINGSORGAN	<p>Sektorutval for oppvekst (SUO) fastset vedtekter for SFO. Vedtektene gjeld for alle som deltek, arbeider eller har barn i SFO.</p>
§ 3 STYRING OG LEIING	<p>Rektor har det overordna faglege og administrative ansvaret for SFO-ordninga ved eigen skule.</p> <p>Rektor skal i samarbeid med dei SFO-tilsette utarbeide ein årsplan for verksamda. Planen skal ha med punkt om mål, organisering og innhald for drifta. Dei SFO-tilsette skal etter behov delta på skulen sine klasseforeldremøte og på konferansetimar.</p> <p>SFO skal saman med skulen og SU innarbeide rutiner og arbeidsformer som gjev barn og foreldre medråderett på innhald, organisering og rutiner.</p>
§ 4 BEMANNING	<p>Bemanningsnormen er 1 vaksen pr. 12 barn. For barn med særskilte behov kan det tilsettjast ekstra personale etter sakkunnig vurdering.</p>
§ 5 POLITIATTEST	<p>Dei som skal arbeide i SFO, må leggje fram tilfredsstillande politiattest. Attesten skal syne om vedkomande er sikta, tiltalt eller dømt for seksuelle overgrep mot barn.</p>
§ 6 TEIEPLIKT	<p>Alle som arbeider i SFO har teieplikt etter forvaltningslova § 13.</p>

<p>§ 7 ANTAL PLASSAR</p>	<p>Det bør vere minst 5 barn som ynskjer SFO ved den einskilde skule for at eit tilbod vert oppretta. Er det færre enn 5 som ynskjer SFO, bør samarbeid med barnehagar eller andre skular drøftast.</p>
<p>§ 8 OPPTAKSMYNDE</p>	<p>Rektor ved den einskilde skule har opptaksmynde. Det vert nytta elektronisk søknad i samband med søknad om SFO-plass.</p> <p>Skulen sitt vedtak om tildeling eller avslag på søknad er å rekne som enkeltvedtak etter forvaltningslova. Klage på skulen sitt vedtak skal sendast til skulen. Klageinstans er SUO.</p>
<p>§ 9 OPPTAKS- KRITERIUM</p>	<p>Fylgjande kriterium skal leggjast til grun ved opptak av barn til SFO etter slik prioritet:</p> <ol style="list-style-type: none"> 1. Funksjonshemma barn 2. Barn med spesielle behov 3. Nye barn skal takast inn etter alder slik at dei yngste vert prioritert.
<p>§ 10 OPPTAKSPERIODE</p>	<p>Opptaksperioden er for eitt år. Frist for å søkje ved hovudopptaket er 1. mars. Opptak gjennom året skjer etter behov og ledige plassar.</p>
<p>§ 11 OPPSEIING</p>	<p>Oppseiingstida er på ein måned og skal reknast frå den 1. i påfylgjande måned. Ved oppseiing etter 1. april skal det betalast for plassen fram til sommarferien.</p> <p>Oppseiinga skal vere skriftleg.</p>
<p>§ 12 BETALING FOR SFO</p>	<p>Kommunen kan kreve utgiftene til SFO dekt gjennom eigenbetaling frå foreldra.</p> <p>Skulane fastset sjølv satsane for foreldrebetalinga. Satsane vert fastsett pr. måned og det vert fakturert 10 gonger pr. skuleår.</p> <p>Ved manglande foreldrebetaling i meir enn to månader, vert det sendt varsel om oppseiing av plassen.</p>
<p>§ 13 ÅPNINGSTID</p>	<p>Den einskilde skule fastset sjølv åpningstid etter innmeldte behov frå foreldre. I hovudsak skal åpningstida vere mellom kl 07.15 - 16.15.</p> <p>Dei føresette som ikkje henter sine barn til rett tid må kunne rekne med å betale ekstra for dette.</p> <p>Dersom ein elev ikkje kan møte på SFO som avtalt, må det meldast frå skriftleg eller pr. telefon om dette til skulen.</p>
<p>§ 14 PLANLEGGINGS- DAGAR</p>	<p>SFO skal vere åpen på skulen sine planleggingsdagar. Skulen avgjer om det skal samarbeidast med annan skule eller barnehage.</p>
<p>§ 15 FERIE-SFO</p>	<p>Den einskilde skule kartlegg behovet for SFO i feriar. Rektor kan avgjere om det skal gjevast tilbod ved eigen skule eller om det skal samarbeidast med annan skule eller barnehage.</p>

	Ferie-SFO inngår ikkje i den ordinære betalinga.
§ 16 LEIKE- OG OPPHALDSAREAL	Leike- og opphaldsareal bør stå i høve til kva ein meiner SFO-ordninga skal vere. Den har ei anna organisering av barnegruppa og eit anna innhald enn skulen og dette krev at dei fysiske tilhøva litt til rette. Ideelt sett bør SFO ha eige lokale som ikkje dagleg vert nytta til undervisning. Ein før ved kvart einskild tilfelle vurdere om tilhøva er formålstenleg.
§ 17 SKYSS	SFO-ordninga er frivillig, og det vert ikkje sett opp ekstra skyss i samband med denne. Der tilhøva krev det, vil kommunen sørge for skyss mellom skule og SFO-lokala.
§ 18 PRIVATE SFO- ORDNINGAR	Kommunen kan nytte andre til å oppfylle plikta til å ha eit tilbod om SFO, dersom dei elles oppfyller vilkåra i høve opplæringslova. Kommunen skal føre tilsyn med private SFO-ordningar.
§ 19 LOKALE VEDTEKTER	<p>Det skal fastsettjast lokale vedtekter for den einskilde SFO i Ål kommune. SU ved skulen skal vedta dei lokale vedtektene. Vedtektene skal sendas oppvekstkontoret til orientering.</p> <p>Vedtektene skal minst innehalde punkt om:</p> <ul style="list-style-type: none"> - organisering og dimensjonering av skulen sin SFO - åpningstid (dagleg og årleg åpningstid) - betalingsattsar - bemanning ved skulen sin SFO - kor mange elevar som er med i ordninga - bruk av inne- og uteareal, samt samla leike- og opphaldsareal - om kostnader til tur og mat vil kome i tillegg til ordinær betaling - evt. reglar som er naudsynte pga spesielle lokale tilhøve